



**S**LAVA va višních Bogu, i na zemli mir člověkom blagovoľjenja. Hvalim te. Blagoslovľajem te. Klaňajem ti se. Slavoslovim te. Hvali vzdajem tebe, velikije radi slavi tvojeje. Gospodi Bože, Cěsarju nebeski, Bože Otče vsemogi. Gospodi Sine jedinorodni, Isuse Hrste. Gospodi Bože, Aganče Boži, Sine Otač. Vzemľej grěhi mira, pomiluj nas. Vzemľej grěhi mira, primi moľjenja naša. Sědej o desnuju Otca, pomiluj nas. Jako ti jedin Svet. Ti jedin Gospod. Ti jedin Višni, Isuse Hrste. Sa Svetim ✠ Duhom, va slavě Boga Otca. Amen.

**O**ČISTI srdce moje i ustně moi, vsemogi Bože, iže ustně Isaije Proroka kamikom ogněnim očistil jesi: tako me tvoim blagim pomilovanjem očistiti izvoli, da svetoje Evangelije tvoje dostojno vzmogu vazvěstiti. Hrstom Gospodem našim. Amen.

**P**OVĚLI, Gospodi, blagosloviti. Budi Gospod v srdci mojem, i v ustnu mojemu: da dostojno i podobno vazvěšču Evangelije jeho. Amen.

**P**RIMI, sveti Otče, vsemogi věčni Bože, sju neporočnuju žrtvu, juže az nedostojan rab tvoj prinošu tebe Bogu mojemu živomu, i istinnomu, za besčislnije grěhi, i přegrěšenja, i neraděnja moja, i za vse okrst stojećej, na i za vse věrnije hrstjane živije i mrtvije: da mně i im uspějet na spasenje v život věčni. Amen.

**P**RINOSIM tebe, Gospodi, čašu spasenja, tvoju milost moleće: da před licem božastvenago veličastvja tvojego, za naše, i vsego mira spasenje s voňej blagouhanja vzidet. Amen.

**V**dusě směrenja, i v srdci skrušeně vspriměm se toboju, Gospodi: i tako budi žrtva naša před toboju danas, da ugodna budet tebe, Gospodi Bože.

**P**RIDI, svetotvorče vsemogi věčni Bože: i blago ✠ slovi sju žrtvu tvojemu svetomu imeni ugotovanu.

**P**RIMI, svetaja Troice, se prinošenje, ježe tebe prinosim v pamet muki, vskrsenja i vznesenja Isu Hrsta Gospoda našego: i v čast blaženije Marije vseгда Děvi, i blaženago Ivana Krstiteľa, i svetuju Apostolu Petra i Pavla, i sih, i vsěh Svetih: da im prospějet v čast, a nam va spasenje: i ti za ni hodatajstvovati da izvolet na nebeseh, ihže pamet tvorim na zemli. Těmde Hrstom Gospodem našim. Amen.

**I**ŽE dan přěde neže postrada, přijet hlěb va svetěi i častněi rucě svoi: i vazved oči na nebo, k tebe Bogu Otcu svojemu vsemogućumu, tebe hvali vzdav, blago ✠ slovi, přělomi i dast učeníkom svoim, glagoľe: Priměte i jadite ot sego vsi.

**SE BO JEST TĚLO MOJE.**

**P**ODOBNIM obraznom po večeri, přijem i sju državnu Čašu va svetěi i častněi rucě svoi: takođe tebe hvali vzdav, blago ✠ slovi i dast učeníkom svoim, glagoľe: Priměte i pijte iz něje vsi:

**SE BO JEST ČAŠA KRVE  
MOJEJE, NOVAGO I  
VĚČNAGO ZAVĚTE:**

**TAJNA VĚRI: JAŽE ZA VI  
I ZA MNOGIJE IZLIJET SE  
V OTPUŠĆENJE GRĚHOV.**

Si jelikokrat tvoriti budete, v moju pamet stvorite.

**V**ĚRUJU v jedinago Boga, Otca vsemogućago, tvorca nebu i zemli, vidimim vsěm i nevidimim. I v jedinago Gospoda Isusa Hrsta, Sina Božja jedinorodnago. I ot Otca rođenago přěde vsěh věk. Boga ot Boga, svět ot světa; Boga istinna ot Boga istinnago. Rođena ne stvorena, jedinosućna Otcu: imže vsa biše. Iže nas radi člověk, i našego radi spasenja snide s nebes. (Sde přěklonit kolěno) I vplti se ot Duha Sveta iz Marije Děvi: i včlověči se. Raspet že za ni: pri Pontijscěm Pilatě mučen, i pogreben bist. I vskrse v treti dan po Pisanju. I vzide na nebo: sědit o desnuju Otca. I paki imat priti sa slavoju sudit živim i mrtvim: jegože cěsarstvu ne budet konca. I v Duha Svetago, Gospoda, i životvorećago: ot Otca i Sina ishodećago. S Otcem že i Sinom kupno poklaňajema i saslavima: iže glagolal jest Proroki. I jedinu svetuju katoličasku i apostolsku Crkav. Ispovědaju jedino kršćenje v otpušćenje grěhov. I čaju vskrsenja mrtvih. I života ✠ budućago věka. Amen.

**G**OSPODI Isu-Hrste, iže reče Apostolom svoim: Mir ostavľaju vam, mir moj daju vam: ne zri grěh moih, na věru Crkve svojeje: juže po voľi svojej umiriti i sjediniti izvoli. Iže živeši i cěsarstvuješi Bog, va vse věki věkov. Amen.

**G**OSPODI Isu-Hrtse, Sinu Boga živago, iže voľej Otčeju, kupno dělajuću Duhu Svetomu, smrtju svojeju mir oživotvoril jesi: izbavi me sim svetosvetim Tělom i Krvju svojeju ot vsěh bezakonij moih i ot vsěh zal: i stvori me tvoim vseгда prilěpľati se zapovědem, i ot tebe nikoliže otlučati se ne dopusti. Iže s těmde Bogom Otcem i Duhom Svetim živeši i cěsarstvuješi Bog va věki věkov. Amen.

**P**RIJETJE Těla tvojego, Gospodi Isu-Hrste, ježe az nedostojan přijeti drzaju, ne budi mně v sud i osuđenje: na tvojeju milostju da prospějet mně v zastupľenje duše i těla, i v přijetje cělbi. Iže živeši i cěsarstvuješi s Bogom Otcem v jedinstvě Duha Svetago Bog, va vse věki věkov. Amen.

**U**GODNA budi tebe, svetaja Troice, služba rabotanja mojego: i podaj; da žrtva, juže očima veličastvja tvojego nedostojan prinesoh, budet tebe přijetna, mně že i vsěm, za něže prinesoh ju, toboju milujućem, budet umilostiviteľna. Hrstom Gospodem našim. Amen.